

**Antonio Baños**, CUPEko parlamentaria

# “BORROKA NAZIONALA UZTEKO GOGOIA DAUKAGU, POLITIKA NAZIONALA EGITEKO”



Kataluniak aspaldian bizi izan duen unerik interesgarrienean harrapatu dugu Antonio Baños. Parlamentuak deklarazio bat onartu berri, errepublika independente bat egiteko borondatea adieraziz eta Espainiako Auzitegi Konstituzionala ilegala dela esanaz. Baina Gobernu osatu gabe, oraindik, Artur Mas hautagaiak ez baitu lortu babes nahikorik.



**Aritz Galarraga**

@aritzgalarraga

ARGAZKIAK: ORIOL CLAVERA



### **Batzuek eman dute epaia dagoeneko: hauteskundeak martxoaren 6an.**

Bada, oker daude. Ez dago ezer erabakita. Martxoaren 6koa eszenatoki bat da, noski, gerta daitekeena, beste gauza asko bezala. Baina ez da desiragarria, inorentzat ez. Eta ez denez desiragarria, egingo denik ezin da ziurtzat eman; kontrakoa, denok saiatzen ari gara hori ekiditen.

### **Mas presidente egin edo prozesuaren amaieraren artean, alternatiba asko dago.**

Guk uste dugu alternatibak badaudela. Gainera, dikotomia horretan sartu egin gaituzte. Batetik, Convergència Democràtica de Catalunya (CDC), noski, beren hautagaia presidente izatea nahi dutelako; eta, gero, askotariko interesek. Guk beti esan dugu Mas presidente gisa, hau da, kontseilariak izendatzen dituen Gobernuako agintari nagusi gisa bozkatzearen, eta apokalipsi itxura duten hauteskunde aurreratuen eszenatokiaren artean, aukerak daudela, aukera hobeak, independentismoa indartzen dutenak.

**“Konstituzio Auzitegiak agintzen baditu inabilitazioak, logikak eramaten gaitu esatera ez dugula agindu hori obedituko”**

**“Noski, erreferendum bat egin beharko da, guk urrats hori prozesu konstituziogile baten ondoren kokatzen dugu”**

### **Zein litzateke egokiena CUPentzat?**

Gobernu indartsua nahi dugu, egunetik egunera urgentziazkoagoak diren erronka sozialei eta Espainiako Estatuaren erasoei aurre egingo diena. Eta horretarako kontsentsuzko presidentea behar da, gobernu zabala, demokrazia kristautik antikapitalismora doazen 72 diputatuak osoki ordezkatzeko dituen. Gobernuak talde jakin batengana hartzen badu jaidura, ahuldu egingo da, gehitu behar den jendea ez delako gehituko. Ariketa zail eta labaina egin beharra dago, beraz, kontsentsua aurkitzeko, 72 diputatuak eta bozka eman dieten jendea mantenduko dituen, eta independentisten oinarria zabal dezakeena. Ondo ateratzen bada gainera, eta ondo aterako da, Gobernuak erronka guztiei aurre egiteko gaitasuna izango du.

### **Masen izena, azken batean, anekdotikoa ez ote den; azkenean CDCko beste presidente bat aukeratzeko prest agertu zarete.**

CDCri alternatiba den guztia gustatzen zaigu guri. Ideologikoki talka egingo dugu, eta eguneroko borroka politikoan, CDCk azken urteetan garatu dituen politikekin. Esaten dute Espainiako gobernuak behartuta egin dituztela politika batzuk, eta arrazoi guztia dute. Baina beste batzuk oso gustura egin dituzte, eta zerbitzu publikoen pribatizazio proiektuak izan dira, modu ideologiko batean egin dituztenak. CDCren politikak ez zaizkigu gustatzen. Eta Mas sinboloa da, onerako eta txarrerako. Independentista den jende askorentzat sinbolo bat da, eta batzuek independentista jarraitzen dute izaten Masengatik. Baina era berean jende asko ez da egingo independentista Masek alde egingen ez duen arte, ordezkatzeko baitu Kataluniako klase popularren txikitzea. Guk dioguna da: ez ditzagun sinboloak suntsitu, gaituzten ditzagun, egin dezagun beste gauza bat.

### **Eta jendeak inoiz baino gardentasun handiena eskatzen duen honetan, zer dela eta ezkutukeria hori negoziatioetan?**

Gisa honetako negoziatioek diskretuak behar dute izan, konfiantzan oinarritzen direlako. Guk esan dugu hitz egingo ari garena ez dugula azalduko, eta ez gara egingo ari, eta aldiz filtrazioak daude alde guztietatik, nori egotzi ez dakigunak. Konfiantza eta diskretzio

gehiago dagoen neurrian, azkarrago egiten da aurrera, hitz egin dezakezula-ko askatasun, naturaltasun handiagorekin. Behin bukatutakoan, dena esplikatuko behar da, noski, eta bilatu behar da CUPEko jendearen bermea eta berrespena. Esan dugu erabakia asanblada batean hartuko dela. Baina bestela hasten dira intoxikazioak, independentzia nahi ez dutenen lana errazten dutenak.

### Arazoaren 9ko deklarazioa: berebiziko garrantzia ematen dionik bada, baina baita propaganda neurri dela uste duenik ere. Zenbateraino da garrantzitsua?

Oso erabakigarria da, lehenik Junts pel sí-ren eta gure bide orrian zihoalako, hasieratik argi utzi behar genuen hau ez dela beste legegintzaldi autonomiko bat, eraikuntza nazionalako legegintzaldi batean geundela. Legealdi hau ohiz kanpoko delako. Eta lehen egunean ez baduzu esaten, modu argi eta fermu batean, hasiko ginatke pentsatzen beste gauza batean gaudela. Kontu garrantzitsuak esaten dira bertan, ondorio juridiko-politikoak izango dituzten kontuak, ez da inork kasurik egiten ez dion beste soberania deklarazio bat. Auzitegi Konstituzionalak seriotan hartu duela ikusi dugu, gauza serioa delako. Eta gainera desobedientziaren arreta Auzitegi Konstituzionalean jarri dugu, izan zezakeen izen ona erabat galdu duen instituzio izu emangarri batean, salbuespen egoera eragiteko gaitasuna duena. Oso serioa da talka, eta guk nabarmendu nahi dugu.

### Lege ondorioak izango ditu, beraz; aipatzen dira inabilitazioak.

Baina esaten badugu ez diogula kasurik egingo Auzitegi Konstituzionalari, eta Auzitegi Konstituzionalak agintzen

baditu inabilitazioak, logikak erama-ten gaitu esatera ez dugula agindu hori obedituko. Gauza paradoxikoak ere gerta daitezke: nor inabilitatuko duzu, baiezkoa bozkatu dutenak? Eta norbait abstenitu izan balitz, erdi-inhabilitatua izango zen? Ikusiko dugu zer egiten duten, Auzitegi Konstituzionalak beti harritzen gaitu halakoetan. Egiten dutenaren arabera erantzun dugu guk.

## “Demokrazia kristautik antikapitalismora doazen 72 diputatuak ordezkaturiko dituen gobernu behar da”

### Deklarazio horrek Madrilgo indar kontserbatzaileak indartu ditu?

Ez dugu Kataluniako errepublika egin nahi Madrilen PPK irabaz dezan. Kontrara, arduratzen gaitu Espainiako indar progresistek eta jende normalak, ez diegu desio inondik inora PPren gobernu. Eta pentsatzen dugu, aldez, Kataluniako desobedientzia, ahalduntze, soberania ekintza hauek, ekarri beharko luketela espainiarren artean, are orain bozka ematera doazela, 78ko erregimena eraldatzeko nahia. Egin daiteke, herritarren mobilizazioekin, ahalduntzearekin, eta instituzioak soberanoak direla sinestarekin. Gu onik ateratzen bagara, jende askok Espainian, Madrilgo prentsak dioenaren aurka, pentsatuko du bideak badaudela instituzioetan sartzeko eta eraldatzeko.

### Eta katalanen botoen %50 gabe abia zitekeen halako bide bat?

Botoen %55 izan bagenu, azaroaren 9ko deklarazioa beste modu batekoa izango zen, errepublika katalanaren aldarrikapena izango zen. Hori ezin dugu egin, eta beste gauza bat egin dugu. Deklarazio bat da: hemendik aurrera, gehiengo independentista duen ganbera honek, soberaniaren eraikuntza abiatzen du. Ez da gauza bera, baina aski fermua da.

### Batzuen ustez, irailaren 27ko hauteskundeek utzi zuten agindu demokratikoa erreferendum bat egitea da, nahiz izan Kataluniako legeen barrukoa. Askoz babes handiagoa luke, hasteko.

CUPi eman zioten agindua ez zen erreferendum bat egitekoa, errepublika bat sortzera gentozen hona, argi eta garbi. Agindu horri gehitu behar diozu Junts pel sí koalizio boto emaileena: independentziaranzko bidea abiatzea, erreferendumik gabe tartean, hamazortzi hilabetekoa; behar diren egiturak sortu eta, hamazortzi hilabeteren buruan, prozesu konstituziogilea abiatzea. Guztira ematen dizkigute 72 diputatu, ez dutenak hitz egiten orain erreferenduma egiteaz. Noski, uneren batean erreferenduma egin beharko da. Guk prozesu konstituziogilearen ondoren kokatzen dugu urrats hori, non konstituzioa izan beharko den berretsia, eta hortik aurrera esan dezakegu existitzen dela Errepublika katalana. Erreferenduma orain lortu behar dugula dioenak, eta Espainiako Estatuaren barruan, bada, 2014. urtean nahi badu berriz bizi, ondo. Hori dagoeneko eskatu baitzen, eta esan ziguten guztiz ezinezkoa zela.



GIPUZKOAKO  
BERTSOLARI  
TXAPELKETA  
2015



www.bertsotzale.eus

ZARAUTZ Azaroak 22 Finalaurrekoak

Aritz batalde kiroldegia, 17:30

Agin Laburu Rezola			
Alaia Martín Etxebeste			
Ander Lizarralde Jimeno			
Beñat Iguaran Amondarain			
Jon Martín Etxebeste			
Unai Gaztelumendi Arandia			

Sarrerak [www.bertsosarrerak.eus](http://www.bertsosarrerak.eus) webgunean edo egun berean leihatilan.

Laguntzailea: 

Hitz egin dezagun Kataluniako prozesu soberanistaz. Lortu du imajinaezina: zuk aipatu duzun ideologia aniztasun hori, demokrazia kristautik antikapitalismora doana, nolabait ados jartzea. Bada jendea kontsentsu horrek kanpo utz dezakeena? Zerorrek esana da: "Herriak kontsentsua goratzen badu, bat ez etortzea kriminalizatzen du".

Espainiako Trantsizioaren kulturak hainbeste goratu du kontsentsua, ezen bat ez zetorren ahotsa kanporatu egin baitu eztabaida publikotik. Hori ikusi da gai nazionalen, edo sozialean. Hemen ez dela gertatzen esango nuke, independentzian sinesten ez duen jendea oso ondo ordezkaturata dagoelako, ez da inor unionistak kanporatzen ari. Eta, independentista izan daitezkeen arren, kontsentsu horretan beren burua ordezkaturata ikusten ez dutenek, bada, parte hartze politikorako bitartekoak dituzte. Ez litzaidake gustatuko inor kanpo geratzea, kontrara, nahi nuke jakin non dauden bat ez datozen horiek, nire azken urteetako praktika, hain zuzen, izan baita horiengana joatea, entzuteko eta eztabaidatzeko.

### Espainiarren etsairik handiena Espainiako Estatu dela esan izan duzu. Zertan litzateke desberdina katalanekiko Estatu katalana?

Antagonikoa izan beharko litzateke. Espainiarrak ez da inoiz izan estatu liberala, Erregimen zaharreko kutsua izan du beti. Herentzia frankista argia du orain. Botere judiziala ez da inoiz araztua izan, ez modernizatua, ez demokratizatua, salbuespeneko tribunalak daude, Auzitegi Nazionala adibidez, Segurtasun Nazionalerako Legea, Auzitegi Konstituzionalaren erreforma. Lurraldeari dago




kionez ez ditu inoiz ulertu bere diferentziak. Errentari dagokionez, banatzailea izan beharrean, jendea dirua ateratzea du helburu, eta lagunen artean partitza. Ez da estatu laikoa. Hezkuntza eta kultura ez ditu garrantzitsutzat hartu, gutxiago nazio aniztasunean, borroka egin du Espainiako hizkuntzen aitortza-aren kontra, esaterako European. Orduak pasa genitzake esanez zergatik den Espainiako Estatu ez-eraginkorra espainiar guztientzat.

### Independentziarako beste motibo bat: Convergència i Unió (CIU) koalizioaren desagertzea.


Unió Democràtica de Catalunya (UDC) dagoeneko parlamentuz kanpoko indarra da. Prozesuaren aurretik 62 dipu-


tatu zituen CIUk, orain 30 dituzte. Zenbat eta independentzia gehiago, orduan eta CIU gutxiago. CIU ezinbesteko dela? Ezinbestekoak dira CIUren boto emai-leak. Eskuineko alderdi bat egon behar da, noski, modernoa, sozial-kristaua, Kataluniako eskuin bat. Nahi dugu eskuina egotea, baina ez dezala inoiz agindu. Baina prozesu honetan CIU desagertzea saihestezina da, eta beste gauza desberdin batean berriz erakitzea ere bai, ustelkeriagatik, alderdi autonomista delako, Madrilerak gauzak eskatzera joateko diseinatuta zegoena. Bezero sistema bati lotutako alderdia izan da. Berak ez zuen asmatu sistema, noski, baina autonomismoak parte hartzera eramane zuen. Errepublikakatalanekin hori gutzia bukatuko da. ■



**EUSKAL OROIGARRIAK**

Harizko brodatu pertsonalizatuetan adituak





**Kale Nagusia, 16**  
**San Jeronimo, 14**  
**Portu, 14**

20003 Donostia · Euskal Herria  
 ☎ 650 210 339 / 618 094 279 · arkupe2@gmail.com